

ECLAIRCISSEMEUT

Sur les differends survenus entre les Filles du Convent de la Magdelaine à Paris, & les Dames de la Visitation Sainte Marie.

AVTANT qu'il arrive ordinairement dans les troubles & desordres des Communautez, soit Regulieres ou Seculieres, ce que nous experimentons tous les iours dans les maladies & infirmitez corporelles, que comme c'est tousjours sur les parties du corps les plus soibles & debiles que les plus fortes & vigoureuses déchargent & rejettent les humeurs malignes, ainsi lors qu'il survient quelque divorce & divission dans les Communautez, on ne manque presque iamais d'en attribuer la cause aux personnes les plus soibles & moins capables de resister, & faire desendre, & à leur faire soussire la peine d'yne

faute qu'elles n'ont pas commise.

L'on ne sçauroit dissimuler sans trahir la verité, que c'est ce qui est arriué dans le trouble excité dans la Communauté de la Magdelaine, entre les Religieuses Professes, Filles congregées de ladite Communauté, & les Dames de la Visitation; Car l'on voit que la preocupation d'esprit de plusieurs mal informez de la verité du fait, que la precipitation des jugemens temeraires & inconsiderez, & que le zele trop ardent d'vne apparente spiritualité ont tellement rejetté la cause de ce trouble sur ces pauures Filles, & ont soustenu si opiniâtrément la défense & protection desdites Dames, qu'il est à craindre qu'à faute d'informer le public de la source & principale cause de ce desordre, cette Communauté si saintement établie, si generalement aprouuée, & qui s'est si religieusement conseruée depuis prés de cinquante ans qu'elle a commencé, ne se voye bien-tost dissipée, & en danger d'vne totale destruction, soit faute du secours des aumônes qui la font subsister, qui commence à cesser par les faux bruits que l'on a fait sonner dans le public contre la conduite desdites filles de la Magdelaine, soit par le credit de leurs parties aduerses qui leur ostent tous les moyens de se defendre, soit enfin faute d'une personne assez puissante pour les soustenir & proteger contre celles qui les veulent oprimer & faire suprimer.

Et dautant que c'est auec estonnement que l'on voit quantité de Dames de qualité dans Paris, qui ont fait éclater leur zele par le secours de leurs suffrages, & leurs charitables poursuites dans vne infinité d'occasions, moins importantes à la religion & au salut des ames que celle-cy, & qui demeurent neantmoins dans l'insensibilité, à la veuë de la desolation de tant de pauures silles associées dans cette maison: On les suplie de s'informer dans la lecture de cet écrit, quelle est la veritable source des troubles de ladite Communauté, de l'état où sont reduites les silles, & le peu de raisons qu'ont les Dames de la Visitation de les mal-traiter,

comme elles ont fait & font encore.

Voicy la source de tout le differend. Il y a plus de vingt-cinq ou trente ans que les Religieuses de la Magdelaine (preuoyant ce qui leur est arriué) se sont souvent plaintes à leurs Superieures des mauuais traitemens qu'elles receuoient desdites



Dames de la Visitation, alleguant que n'ayant esté appellées & introduites dans ladite maison que pour s'employer au spirituel, & à sormer des Religieuses pour les rendre capables de viure en Communauté reguliere, & d'exercer toutes les charges, comme de Prieure, de Sous-Prieure, Mere, Maistresse, &c. ainsi qu'il est specifié dans la Bulle de leur aprobation; les dites Dames au contraire n'ont trauaillé qu'à s'autoriser elles-mesmes dans toutes les dites charges, soit pour le temporel & spirituel, en ce faisant obeïr & seruir comme Maistresses de l'vn & de l'autre, & en disposant du temporel sans compte & sans mesure, au grand prejudice de ladite Communauté, & contre les Constitutions d'icelle, à la charge des particuliers & du public, à cause qu'il a fallu que le particulier doublât les pensions des silles qui vouloient entrer, & que l'on sit des questes plus frequentes dans le public, pour les aider à soustenir les grandes dépenses que les dites Dames faisoient dans la maison, ainsi qu'on l'a fait voir dans le Factum qui en a esté donné au

public.

Il y a huit ou neuf ans que les plaintes desdites Religieuses & congregées, s'étant fait entendre auec plus de bruit, furent vn peu assoupies par le changement des Superieurs & Superieures mal affectionnez pour ladite Communauté, & par l'esperance que l'on donna ausdites Religieuses d'aporter vn meilleur reglement pour entretenir la paix, & pour soustenir ladite maison: Mais tant s'en faut que ces belles promesses ayent eu le succés que l'on s'en promettoit, lesdites Religieuses n'ont éprouvé de la part desdites Dames qu'vn surcroist & augmentation de mauuais traitemens, & dissipation plus grande de leur temporel, par la delicatesse & sensualité de celles qu'on leur donna pour Superieures & Officieres. Ce que lesdites Religieuses ne pouvant plus souffrir, ny d'estre tyrannisées & outragées par la violence & les duretez desdites Dames, plus qu'elles ne l'auoient encore esté, furent obligées de s'informer & s'instruire de la source de ces mauuais traitemens, & à quel propos des procedures si insuportables, & ayant apris par la découuerte de plusieurs papiers que les dites Dames auoient formé le dessein d'abolir les Professes, & de reduire la Communauté en Hospital, pour s'en rendre les Maistresses absoluës, ainsi que lesdites Religieuses l'ont iustifié dans le procés instruit au Parlement, soit par les lettres interceptées, & par la découuerte de quantité d'écrits enuoyez par les Superieures de Paris & de Chaliot, aux Superieures de la Magdelaine, par lesquels elles consultent & resoluent de ce qu'elles devoient faire pour reiissir dans cette entreprise, iusques à prendre les alignemens de la maison, pour s'y preparer vne des plus belles qu'elles eussent dans Paris; & qu'en consequence de ces beaux projets, elles auoient de leur chef fermé le Nouiciat, & ordonné qu'on ne feroit plus de Religieuses, dautant, disoient-elles, dans leurs aduis, que les Religieuses l'emportoient en Chapitre par la pluralité des voix, sur leur petit nombre, elles ne pouuoient pas aisément faire rien conclure à leur auantage, cette Ordonnance ayant fermé le Nouiciat il y a sept ans, a obligé plusieurs filles congregées de sortir de ladite maison, en se voyant hors d'esperance d'y pouvoir faire profession, & dont plusieurs sont retournées dans le monde en danger de se perdre, qui apparemment eussent bien fait dans la profession.

Le Reglement que lesdites Dames sirent donner par toute la Communauté, par lequel on ne receuroit plus de silles dans ladite Congregation, si elles n'auoient 200. liu. de pension asseurée, au lieu qu'on les y receuoit à la moitié moins, ne contribuë pas peu au dessein que lesdites Dames ont de se venir enrichir dans ladite Maison; Car y ayant grand nombre, comme il y a, de congregées à 200. liur.

de pension, qui toutes trauaillent au profit de la Maison, & ne dépensent pas à peu prés, de la façon qu'elles y sont nourries, & le seroient encore pis sous la lesine desdites Dames; jugez si elles ne seroient pas vne bonne maison, ayant le sond qui sert à entretenir les Religieuses, qui sont 31. & les pensions de 80. congregées.

De plus, lesdites Religieuses estant bien informées de l'alienation que les dites Dames ont fait des rentes & terres considerables appartenantes à ladite maison, de l'application qu'elles ont faites à leurs Maisons de Paris & de Chaliot, de sommes notables, aumosnées & leguées à ladite maison de la Magdelaine, sçachant de notorieté de fait qu'elles ont diuerty des silles qui auoient failly d'entrer dans ladite maison, pour les attirer dans leurs maisons & monasteres, lors qu'elles sçauoient qu'elles auoient des sommes considerables pour leur dot, & qu'auec tout cela leur domination & empire leur estoit deuenu si insuportable dans tous les

griefs produits dans le procez.

Les dites Religieuses ont esté obligées dans l'année 1668. d'en faire leurs justes plaintes à monseigneur de Paris, le suppliant d'auoir égard à leur misere, & d'y appliquer le remede tel qu'il plaira à sa bonté paternelle, & de les déliurer du fardeau qui les opprime; ce que n'ayant pû obtenir de sa Grandeur par plusieurs Requestes reïterées, dautant qu'elle auoit esté preuenuë par les faux donné à entendre de leurs parties aduerses, & par les fausses suppositions de l'estat où toute la Communauté estoit reduite, les dites Complaignantes se voyans hors d'esperance d'obtenir aucun soulagement de leur Pere & Pasteur, ont esté contraintes par la violence & les outrages qu'on leur faisoit soussirir, d'auoir recours au Parlement, pour la seureté de leurs personnes, & conservation de leur maison, Où par Arrest, consormément à leur Requeste, il sut ordonné qu'vn de messieurs Conseiller de la Cour, se transporteroit dans ladite maison de la Magdelaine, pour receuoir les plaintes desdites Religieuses, contre les dites Dames, pour ensuite en faire son rapport à la Cour,

pour y pour uoir ainsi que de raison.

Procez verbal ayant esté dressé desdites plaintes par Monsieur de Saucuze, & lesdites Dames de la Visitation sçachant les justes raisons qu'ont les Plaignantes de les faire retirer de leur maison; & redoutant la probité & sincerité de Mondit Sieur de Saueuze, quoy que Superieur d'vne de leurs maisons de la Visitation, tascherent de se seruir du pretexte de sa maladie suruenuë dans le temps pour faire mettre le procezés mains d'vn autre Rapporteur; & ne l'ayant pû, elles surprirent sur Requeste vn Arrest en ladite Cour; & enfin se désiant du gain de leur cause, si le Parlement jugeoit la contestation, & l'opposition que lesdites Religieuses Professes de la Magdelaine auoient formée à l'execution de cet Arrest insoustenable, apres plusieurs delais & remises, suyant adroitement la liberté qu'ont les Aduocats d'exposer sincerement la verité, elles eurent si grande peur que leur cause sust plaidée, que leurs artifices & intrigues fussent découuertes à leur grande honte & confusion, que nonobstant le grand credit qu'elles pouvoient esperer dans le Parlement, par le grand nombre des recommandations des filles de qualité qui composent leurs Communautez, & qui sont parentes ou alliées de la pluspart de Messieurs les Iuges; elles éuiterent ce coup, en portant la cause au Conseil de sa Majesté, deux iours auparauant qu'elle deuoit estre jugée au Parlement; l'Arrest du Conseil donné sur simple Requeste en faueur desdites Dames, & sans ouir les parties, fut deux jours apres executé auec tous les outrages & violences qu'on sçauroit exercer contre des Religieuses Professes, & sans sujet; Car lesdites Dames ayant fait entrer dans ladite Maison plusieurs Archers & Laquais, firent prendre trois

desdites Religieuses, & deux congregées, & traisner en leur presence hors de ladite maison, auec insolence, pour estre conduites dans les prisons de l'Archeuesché de Paris, où elles sont demeurées, quoy qu'infirmes & valetudinaires enuiron six semaines, en qualité de rebelles à sa majesté, & de revoltées contre l'authorité de Monseigneur de Paris, pendant que lesdites Dames se glorifioient & faisoient in-

sultes aux autres dans la maison.

Il est vray que monseigneur de Paris ayant esté plus clairement informé du fait, soit par les Requestes presentées au Roy en forme de plainte des excez commis contre l'honneur & les personnes desdites Religieuses, à la solicitation desdites Dames, soit par le rapport fidele & sincere que luy en firent les trois Religieuses captives, dans les visites charitables & paternelles dont Mondit Seigneur les a bien voulu honorer dans leur prison plusieurs fois, leur a fait ressentir l'esset de sa bonté & Iustice, en renuoyant lesdites prisonnieres dans leur Monastere; où s'estant transporté, il a ordonné une visite pour s'éclaireir de tout ce différend, donnant pleine & entiere liberté ausdites Religieuses & congregées de declarer sincerement au Visiteur ce qu'elles sçauent sur ce sujet, laissant toutefois ladite Communauté sous la direction d'une Superieure de la Visitation, & d'une jeune Professe, en la place de deux qui s'estoient tirées de la presse quelque temps auparauant, craignant les maux de l'orage qu'elles auoient suscité par leur mauuaise conduite.

On vous laisse à faire tel jugement qu'il vous plaira de ce procedé, qui paroist si opposé à cette douceur exterieure, & à ces complimens dorez de ces bonnes Dames, pour vous dire que tant s'en faut que les dites Religieuses de la Magdelaine ayent vsé d'aucune violence ou vengeance contre qui que ce soit, ainsi qu'on l'a voulu faire entendre au dehors, qu'au contraire, celles d'entre lesdites Dames qui s'arrachent plus à la verité, qu'aux interests honteux de leur Communauté, en sont demeurées édifiées de la patience & moderation qu'elles ont gardées dans cette occasion; de sorte que s'il y a eu quelque bruit entre celles de la Congregation, ce n'a esté que par l'insolence & les insultes que celles du party desdites Dames ont faite aux autres à ce sujet, sans toutefois qu'il y ait eu autre chose que des paroles.

Voilàle recit sommaire de ce qui s'est passé dans toutes les poursuites. Voyons maintenant l'estat où se trouvent lesdites Religieuses, & toute la Communauté. Voilà ce qu'ont souffert ces pauures filles, pour auoir demandé d'estre ouires sur les plaintes qu'elles auoient à faire contre leidites Dames, pour les exclurre juste-

ment de leur Mailon.

Quelque patience & moderation que les Religieuses de la Magdelaine avent pratiqué dans tous les outrages que l'on vient de vous representer, il ne faut pas que vous vous persuadiez qu'elles soient arriuées à vn si haut degré de perfection & de vertu; que le calme & le silence qu'elles ont gardé au dehors ait esté tel au dedans; que le souvenir du passé; que la veuë du present, & que la crainte de l'aduenir ne leur ait cause vne infinité de peines d'esprit, & donné des alarmes capables de les jetter dans le découragement, & quelque sorte de desespoir dans la pluspart.

Car en effet nous sçauons presque tous par nostre propre experience, que l'oubly entier d'vne injure qui nous a esté faite à nos biens, à nostre honneur, ou à nos personnes, est vne grace aussi rare que la pratique en est necessaire, & que quelques efforts que nous fassions pour en estouffer les ressentimens dans le cœur, le ressouuenir ne cesse pas d'en renouueler la peine dans l'imagination; d'où il arriue que quoy que des Religieuses, dé-ja mortes au monde par leur profession, se croyent obligées à devenir insensibles aux injures & affrons qui leur peuvent estre faites. Il eft est neantmoins difficile, qu'elles ne sucombent sous le faix des tristes souvenirs du passé, & que leur conscience si morcée & delicate en matiere de peché, ne leur fasse aisément croire, qu'autant de reslexions qu'elles sont sur tous les traitemens arrivez, ce ne soient autant d'offenses & pechez qui les rendent indignes d'approcher des Sacremens, & qu'ainsi elles sont dans l'impuissance de se sauver.

Il y auroit peut-estre lieu d'esperer que la longueur du temps, & que les exercices de la pieté & deuotion pourroient seruir de lenitif à leurs peines, en dissipans les tristes idées, & donnant la chasse à ces frequentes representations: Mais la veuë continuelle des personnes toûjours presentes à leurs yeux, renouvellent tellement tout le passé, qu'elles n'ont pas moins de peine à en combattre le souvenir, qu'à suporter le mauuais traitement qu'on leur fait tous les jours en milles nouvelles fa-

çons.

Car, jugez, je vous supplie, ce que peut estre, de voir deuant ses yeux, ensuite des choses passées, vne Superieure du party contraire, establie & posée en sentinelle dans vne maison, que son adresse & subtilité d'esprit artificieux a fait choisir par toute sa Communauté, comme la plus capable de venir faire vn dernier essort, pour essayer par ses ruses à jetter la diuision & le diuorce entre lesdites Religieuses & Congregées, qui est assistée & soustenue pour cét esset par quatre Surveillantes de sa Communauté, aussi rusées qu'elle, pour observer toutes les postures & contenances desdites Religieuses, ausquelles elles ne donnent pas mesmes la liberté de voir ny parler à leurs parens, ou personnes assectionnées à leur Maison; ou si elles le permettent, c'est auec tant de formalitez & de precautions, qu'elles aiment mieux ne les voir ny parler, que de le faire parmy tant de gesnes & captiuitez; ce qui mécontente & le dehors & le dedans, ainsi que plusieurs l'ont témoigné en diuers rencontres.

Les Congregées ne sont pas plus fauorablement traitées, si ce ne sont celles qui ayant pris le party desdites Dames, ont pleine liberté de ce qu'elles veulent faire; dautant que ces quinze ou seize des plus hardies de la Congregation, dont elles se seruent, pour faire insulte aux autres, & leur reprocher continuellement le mauuais succés de leur entreprise; C'est par ces esprits insolens que les dites Dames sont dire ce qu'elles auroient honte de dire elles-mesmes; c'est par elles qu'elles sont semer les bruits dans la Maison; que la visite que l'on fait ne seruira qu'à noircir dauantage celles qui se plaindront des Dames de la Visitation; que l'on apprendra par là qui sont celles qui ont suscité cette plainte, & que ce sera vn beau moyen de les saire enleuer vne seconde sois; & tout cela asin d'intimider les esprits craintiss, & les empescher de declarer librement au Visiteur ce qu'elles ne peuuent taire sans trahir leur conscience.

Enfin ce ne sont qu'artifices & stratagêmes pour surprendre les dites Religieuses en faute, asin d'auoir lieu de les accuser deuant Monsseur de Paris, ainsi que le portent les billets qui leur sont tombez des mains, soit à dessein, ou par mégarde; en sorte que ces pauures obsedées, de ces sortes d'esprits, ne sçauent quelle contenance auoir, de peur de se rendre criminelles, selon leur jugement; car si les vnes d'entre les dites Religieuses se familiarisent tant soit peu auec elles, & les traitent vn peu plus courtoisement, & auec quelque ouuerture de cœur, elles sont entendre que ce n'est que seintise & dissimulation, & par contrainte, & elles en sont saire de grands reproches; si d'autres n'ont pas ce pouuoir sur elles-mesmes, pour leur témoigner la mesme chose, en ne voulant paroistre au dehors autres qu'elles ne sont au dedans, l'on attribuë cette reserue à la crainte qu'elles ont de déplaire à leurs chess, si elles faisoient autrement; & ainsi (selon le jugement de ces bonnes Dames) ce n'est pas tant l'opposition qu'elles ont contre les Dames de la Visita-

B

tion, comme la crainte de ne passer pour legeres & inconstantes, qu'elles apprehendent de se declarer pour elles. Cét artifice de spiritualité n'est pas mal inuenté, comme vous voyez, pour appuyer le dessein qu'elles auoient au commencement d'en faire enleuer bon nombre des plus éclairées sur leurs procedures; il est certain que lesdites Religieuses auroient tout sujet de le craindre, si elles n'estoient dans la derniere indifference, ou pour la prison, ou pour leur Maison, voyant & éprouuant tous les jours que les Dames de la Visitation ont quelque sujet de se vanter qu'elles ont contribué par leurs prieres enuers M. de Paris, pour faire reuenir les captiues dans leur Monastere, puis qu'en les mettant en apparence en liberté, elles se sont elles-mesmes déliurées de la crainte qu'elles auoient; que ne les ayant pas toutes en possession, pour auoir l'œil sur toutes leurs actions, elles ne donnassent trop de connoissance de leurs affaires à M. de Paris, les visites duquel dans la prison commençoient à leur deuenir suspectes & prejudiciables à leurs pretentions; de sorte que lesdites Dames seignant de rendre vn bon office en apparence ausdites Religieuses, elles ont pourueu elles-mesmes à leur propre seureté, puis qu'au lieu de cinq prisonnieres, elles en ont maintenant plus de quatre-vingts, tant Religieuses que Congregées, dont elles sont gloire maintenant, puis qu'elles y reçoiuent les compliments des Grands, d'estre les Geolliers, Guichetiers & Comites; car ce sont en verité les plus considerables emplois qu'elles exercent maintenant dans ladite Maison.

En verité, vous auriez tres-bonne opinion des pauures Penitentes de la Magdelaine, si vous croyez qu'elles sussent aussi paisibles & tranquilles au dedans parmy ces desordres, que les Dames de la Visitation le veulent faire croire au dehors, ou au moins qu'elles n'ont aucun sujet du contraire; & ce seroit les priuer du secours qu'elles peuuent attendre de vos sainctes prieres & sollicitations charitables, si on vous déguisoit l'estat pitoyable où elles se trouuent, à la veuë de tous ces procedez, capables d'en jetter plusieurs dans le desespoir; car ce ne sont que pleurs & gemissemens par tout; l'on entend souuent dans le Chœur leurs voix entre coupées de soûpirs & de sanglots, dans l'impuissance de chanter l'Office Diuin comme à l'ordinaire, toutes leurs conuersations, recreations & entretiens leurs sont deuenus si reciproquement suspectes, qu'on n'y fait ny dit rien sans prendre garde à soy, & ne soit accompagné d'une continuelle désiance les vnes des autres, comme dans vn païs ennemy.

Et ce qui augmente la peine de ces pauures captiues, est le peu ou point d'assistance & de conseil pour leur conduite dans vn si grand trouble; car on leur a osté
leurs Confesseurs ordinaires, & priuées de la liberté, la pluspart de leurs Directeurs,
ausquels elles pouvoient avoir confiance, & elles n'ont maintenant pour Arbitres
de leur conscience que ceux qu'il plaist ausdites Dames, & que l'on sçait qu'ils entrent tellement dans leurs interests, ou qu'ils pretendent à la faueur, qu'au lieu
d'en tirer de l'instruction & consolation, elles n'en reçoiuent que des menaces &
intimidations, pour les obliger à se sousmettre aueuglément à la direction & discretion desdites Dames, & renoncer aux justes plaintes qu'elles ont faites au Parlement, de leur mauvaise administration, & de la dissipation & indeues alliennations
d'vne grande partie des biens & aumônes de la Maison de Sainte Magdelaine.

Pouuez-vous lire ces choses sans compassion pour les vnes, & sans indignation contre les autres? Vous peut-on asseurer en conscience, & deuant Dieu, que trente & vne Religieuses Professes, il y a dix, vingt, & trente ans, & plus, entre lesquelles il y en a plusieurs qui ont esté trouvées si capables dans tous les exercices de leur saincte Profession, qu'elles ont esté éleuées, mesmes de l'auis desdites Dames, pour estre Superieures, Maistresses, &c. dans leurs Maisons Professes de la Magdelaine

de Bordeaux, & de Roüen, & dont elles se sont si dignement acquitées, que pendant les dix ou douze années qu'elles y ont gouverné, on n'a jamais oûy parler de plaintes contre leur conduite, non plus que de celles qu'elles ont encore à present dans la ville de Bordeaux: vous peut-on, disje, proposer ces veritez, sans vous exciter à compassion sur des traitemens si indignes contre des Religieuses de cette qualité, & vous faire à croire qu'il n'y en a pas vne capable de quoy que ce soit? où est donc le jugement & la prudence des dittes Dames, de consentir à des élections si peu ju-

dicieuses, si tant est qu'il n'y en ait point de capables?

Mais peut-on vous asseurer que grand nombre de Filles Penitentes, & qui ont quité le monde il y a plus de cinquante ans, pour trouuer vn port de salut dans la Congregation de cette Maison, se voyant tyrannisées par les rigueurs & duretez que lesdites Dames exercent sur elles depuis huit ou neufans, principalement sont au repentir d'y estre entrées, en voyant maintenant ce qu'elles y voyent; que celles qui n'y sont entrées que depuis dix ou douze ans sont tellement scandalisées de la conduite desdites Dames, qu'elles sollicitent leurs parens & amis de les en retirer, quelque peril & danger qu'il y ait dans le monde pour elles, & qu'il en est desja sorty plusieurs pour ce sujet, & qui seroient prestes d'y rentrer si les dites Dames n'y estoient plus. Vous peut-on, disje, asseurer que cela est ainsi, sans que vous soyez

touché de la perte de tant d'ames!

Mais quoy, pouuez-vous croire ce qui n'est que trop vray, quoy que l'on vous dise du contraire, que ce sont les Dames de la Visitation qui causent ce trouble, & qui ont mis le desordre dans cette Communauté? quoy, le pourroit-on croire, que des Religieuses qui passent dans l'esprit du monde pour les Anges de la plus haute hierarchie de l'Eglise Militante, que des esprits que l'on regarde comme des Soleils brillans dans la spiritualité, sussent tombées dans vn si essroyable aueuglement d'esprit & dureté de cœur, que de vouloir faire passer l'opression de leurs Sœurs Religieuses comme elles, pour vn signalé témoignage de leur obeissance vers leurs Superieures, & la cruauté qu'elles exercent contre leurs cadettes pour vne marque de leur sousmission, sans craindre que la perte de tant d'ames qu'elles jettent dans le desespoir, & qu'elles contraignent de sortir de ladite Maison, ou qu'elles empeschent d'y entrer, par le raport de ce qui s'y passe, ne leue sa voix comme le sang d'Abel, pour demander vengeance à Dieu de l'outrage de ces impitoyables ames, & qu'vne si injuste persecution ne soit le presage de leur suture malediction, & le commencement de leur décadance.

L'on voit désja bien par la contenance que vous tenez, en lisant ce procedé, que vous estes dans l'impatience d'aprendre les raisons que peuuent alleguer les Dames de la Visitation, pour se conseruer dans vn poste où l'on ne voit rien qui ne soit injurieux à Dieu & au prochain, odieux au public, & tres-prejudiciable à leur re-

putation.

On ne vous sçauroit mieux conuaincre de la nullité ou foiblesse des raisons des dites Dames, qu'en vous faisant souveil d'une maxime tres-constante dans toute la Morale; Qu'autant que la verité & le mensonge, la justice & l'injustice sont essentiellement opposez & incompatibles ensemble dans un mesme sujet, autant les moyens dont ils se seruent pour se desendre, & combattre seur aduersaire, sont opposez & disserens; Car l'on sçait que la verité & la justice estant filles du Ciel, & les plus beaux dons du Pere des Lumieres, n'ont point de plus sortes armes pour se desendre de tout ce qui s'oppose à leur éclat, que l'euidence & la manises station; C'est par là que la verité dissipe les tenebres du mensonge, & que la justice découvre tous les saux-suyans de l'injustice, & que le mensonge & l'injustice au contraire sont tellement ennemis de la lumiere & de la veue des clair-voyans,

que toute leur dessense consiste dans l'art de se cacher sous les pretextes bien palliez & déguilez, ou à se mettre à l'abry de quelque puissance empruntée pour opri-

mer la justice & la verité par le crédit & l'authorité.

Vous auez veû que ç'a esté le procedé des Dames de la Visitation; car autant que les Religieuses de la Magdelaine se sont efforcées de faire voir, soit à M. de Paris, soit au Parlement, l'équité de leur cause, & les Supplians par toutes leurs Requestes presentées de prendre connoissance de toute l'affaire, en faisant plusieurs instances pour l'exposer au public par les Plaidoyez des Aduocats, lesdites Dames au contraire ont toûjours fuy, soit en empeschant que M. de Paris ne sust informé, soit en éludant la connoissance au Parlement, pour se mettre à couvert de l'authorité Souueraine, & tout cela sans aucune autre raison, sinon qu'elles n'auoient point de raison: Car, pour quoy tout ce procedé, sinon la crainte d'estre huées en pleine Audiance, ou qu'elles n'ont point trouvé d'Aduocats si ennemis de la verité pour oser combattre si ouuertement?

L'on sçait qu'elles ne manquent pas de supposer beaucoup de raisons apparentes & plausibles pour ceux qui ne jugent des choses que sur l'étiquette du sac, & le rapport artificieux d'vn seul party, que plusieurs petits esprits esblouis par l'éclat & le cajol de ces sages Enchanteresses, ne manquent pas de débiter dans le public plusieurs raisons, qui n'estans propres qu'à amuser le peuple, ou à tromper les simples, ne se peuvent soustenir en bonne justice, puis qu'elles n'ont osé les y propoler: Car il semble que toutes les raisons qui pourroient seruir ausdites Dames, pour se continuer autant qu'ils pourront leur superiorité, en la Maison de la Magdelaine, doiuent estre prises ou d'vn don special qui leur en ait esté fait exprés, ou de la Bulle de l'approbation des Religieuses, ou des clauses de leur Institution. Or, il ne se trouue aucun acte de donation de la Maison en faueur des Dames de la Visitation; elles y ont esté simplement appellées par lesdites Filles. de la Magdelaine pour faire des Religieuses, & les rendre parfaites dans l'état Regulier, & ensuite les laisser gouverner leur Maison comme les autres Religieuses. Il y a plus de trente-cinq ans que lesdites Dames devroient estre retirées en leur Conuent; la Bulle du Souuerain Pontife ne les y establit point comme Superieures & Dames de ladite Maison; bien au contraire, car ayant dit que sur l'aduis qu'on luy a donné que des Filles congregées dans la Maison de la Magdelaine s'estoient fait instruire par les Dames de la Visitation, demandoient la grace d'estre érigées en Communauté reguliere, auec permission d'y faire Profession Religieuse, ainsi que dans les autres Maisons; Le Pape, sur cette information, permet ausdites Filles de la Magdelaine de faire Profession, & d'élire d'entr'elles vne Abbesse, Prieure ou Superieure, sans qu'il y soit fait aucune mention des Dames de la Visitation.

Quant à la Fondation de la Dame Marquise de Meneley, elle est conceuë en des termes qui font assez voir qu'elle n'a point pretendu y perpetuër lesdites Dames, puis qu'elle a mis par son Testament, clause, qu'au cas que les dites Dames n'y demeurassent pas, les mil livres par elle leguez seruiroient pour la subsissance de quatre Religieuses d'vn autre Ordre que de la Visitation de sainte Marie, selon le choix de M. de Paris; & quand cela seroit, que ladite Dame l'eust voulu, l'on aimeroit bien mieux renoncer à son legs, que de renoncer à sa Profession, pour aneantir vne Communauté, que tous les gens de bien n'estiment pas moins necessaires pour le salut des ames, que l'Ordre de la Visitation.

Diront-elles point qu'elles ne font ces instances que pour le bien de ladite Maison, afin d'y conseruer la paix, & y restablir la Regularité? En ce cas on peut leur répondre, que c'est fort mal à propos que lesdites Dames se plaignent du

trouble

trouble, & de l'irregularité des Religieuses: & c'est plustost chercher à l'entretenir que de l'appaiser, puis qu'il est suffisamment justifié au procez, qui est au rapport de M. de Saueuse, & expliqué par cét écrit, qu'il n'y a aucun déreglement dans ladite Maison qu'elles n'ayent causé elles-mesmes: Car s'il y a du désaut de regularité, l'on ne sçauroit dire que ce soit en quoy que ce soit d'essentiel contre la closture & les Vœux, & que ce qui s'est glissé de défectueux n'a esté que par l'insuffisance & incapacité des Superieures & autres Officieres, que lesdites Dames y ont enuoyées, soit pour estre trop jeunes & auoir peu d'experience dans les pratiques de la Religion, soit pour estre trop delicates & infirmes, & ne se pouvoir trouver aux exercices de la Communauté; ce qui a osté la consiance de toute la Communauté vers lesdites Dames, & laquelle elles ont voulu exiger par des rigueurs qui ont tellement cabré tous les esprits, qu'excepté quinze ou seize des plus mauuais esprits de la Congregation, il n'y a pas vne Religieuse ny aucunes des autres Congregées qui se puisse confier à pas vne de la Visitation; Jugez si c'est là vn moyen propre pour restablir vne Communauté dans sa Regle, veu que la Superieure qui y a esté mise depuis trois mois, est non seulement viue & déliée d'esprit, mais si délicate & foible de corps, que vous jugeriez qu'elle est venuë plustost pour se faire traiter délicatement, & pour y gouverner & conduire spirituellement, puis que depuis trois mois on ne l'a pas veuë huit ou dix fois aux exercices de la Communauté, où elle ne vient que pour aueuglement reprimander sans sujet.

Vous ne deuez pas vous étonner après cela si lesdites Dames n'ont pas raison d'alleguer pour la supression du Nouiciat, qu'elles ne trouvoient aucun sujet dans la Congregation propre pour ledit Nouiciat, car en ayant refusé plusieurs auant que de le fermer, dans le dessein de ne plus faire de Religieuses, afin de s'emparer entierement de ladite Maison, l'on a en mesme temps cessé de choisir celles qui auoient esté propres pour les y disposer, & on les a toutes laissées dans vne mesme façon de viure, ce qui en a jetté la pluspart dans le relâchement, & obligé les autres à s'en retirer pour trouuer place ailleurs: & quoy qu'il n'y en cust pas dans le temps de propres pour le Nouiciat, l'on en a receu plusieurs dans ladite Congregation depuis sept ans, qui estoient de bons sujets, & sont encores: mais les Dames de la Visitation ne les croyent pas telles; parce qu'elles n'entrent pas dans leurs interests, & ne les connoissent pas, ce qui fait voir se peu de fruit qu'il y a à esperer dans ladite Maison, pendant que les dites Dames y voudront demeurer, n'y ayant ny Religieuses ny Congregées qui se veuille abandonner à leur conduite, quelques instances qu'on ait pû leur en faire, & quelque menace ou chastiment qu'on leur ait fait souffrir, sans qu'aucune aye pû se contredire dans ses sentimens. Il seroit bon d'inserer iey vn mot de la necessité qu'il y a que les Directeurs & leurs disciples soient d'intelligence.

L'on peut adjouster à tout cecy vne restexion qui n'est pas peu importante à ce sujet, qui est que les Superieurs externes ont vne peine incroyable dans la direction de ladite Communauté; car ils doivent tellement se precautionner en tout ce qu'ils ordonnent & commandent, qu'à faute de ce, l'on n'entend que plaintes & murmures de l'vn ou de l'autre des deux partis, l'vne estant contente, l'autre mécontente, selon que les choses sont à leur auantage; si l'on traite les vnes seuerement, l'on dit que cela vient de la recommendation des autres, & si on panche d'vn costé, l'on se met l'autre à dos; de sorte qu'il n'y a point eu de Superieures dans ladite Maison qui n'ait eu l'vn ou l'autre party en teste, & quin'en soit sorty aussi mécontant qu'elles.

Les Confesseurs ne sont pas moins peinez dans leur ministere; car si l'une ou l'autre des parties luy parle plus ouurement, on l'a pour suspect; s'il traite les

autres auec la seuerité que luy ordonne sa charge, on dit qu'on luy a fait sa leçon, & ainsi tout va en consussion; au lieu que l'on pourroit essayer par d'autres voyes à pacifier les esprits, puis qu'il n'est nullement necessaire pour les dites Dames d'y demeurer; on s'étonne de voir leur opiniâtreté à s'y maintenir par toutes leurs procedures, quoy que par leurs paroles elles feignent de persuader le contraire.

Les Officieres de dehors ne sont pas exemptes de cette peine.

Ne croyez pas que l'on ait entrepris cet Ecrit pour décrier & scandaliser les Dames de la Visitation; mais croyez plustost que ç'à esté pour leur faire plaisir, en taschant de leur faire ouurir les yeux sur vn procedé si injuste, pour les induire à s'en desister, & à ne pas attirer sur elles les reproches éternels d'auoir injustement opprime & voulu supprimer vne Communauté, qui n'a commis aucun crime qui Taye merite.

Qu'elles pensent qu'en poursuiuant cette affaire, elles priueront l'Eglise du secours qu'elle pouvoit attendre d'elles dans les reformes de plusieurs Monasteres, où l'on craindra de les introduire, dans l'apprehension qu'elles en fissent comme de celuy-cy; c'est à faire à des Barbares, & à des Viurpateurs injustes, d'entrer dans vne Prouince ou Royaume pour s'en rendre les Seigneurs, sous pretexte d'en venir

apailer les troubles.

Voila M. trois choses que je vous ay presentées dans cet Ecrit; la source du mal; l'état present, & le peu de raison qu'ont les dites Dames; on vous laisse à en faire tel jugement qu'il vous plaira: mais on s'asseure que vous ne sçauriez tant soit peu estre desinteressé dans le monde, & zelé pour la gloire de Dieu, & le salut du prochain, que vous n'ayez de la compassion pour les vnes & les autres, pour demander à Dieu la consolation pour ces pauures affligées, & vn rayon de lumiere d'en-haut pour éclairer ces aueugles, & leur faire ouurir les yeux pour se repentir d'vn procedé si injuste, & se retirer en leur Conuent.

Lettre de la Personne qui a charitablement fait l'Ecrit cy-dessus pour les Religieuses de Sainte Magdelaine.

ES REVERENDES MERES ET MES TRES-CHERES SOEVRS, Si j'estois quelque Moyse, vous seriez bien-tost déliurées de la dure captiuité d'Egypte, & de l'impitoyable main qui vous afflige, sans pourtant noyer personne dans les eaux de la Mer rouge; Car l'Euangile nous commande de vaincre le mal par le bien, & de ne perdre jamais la charité pour ceux qui nous persecutent; Mais estant sans nom & sans aucun credit auprés de ceux qui peuvent vous donner la liberté des Enfans de Dieu; que puis-je faire, que de gemir aux pieds des Autels, & de demander à Iesus-Christ pour toutes celles qui vous oppriment, qu'il ait cette misericorde de leur oster les écailles de dessus les yeux, comme il sit à S. Paul, dont elles imitent parfaitement le zele amer, & dont l'esprit de menaces & de sang qui paroist les posseder, excite toute la tempeste que vous souffrez: Il n'y a, Mes trescheres Sœurs, que la patience Chrestienne, qui soit le Moyse de nous tous, Iesus-Christ nous en a donné l'exemple par sa mort, & nous fait à toute heure des leçons de cette patience dans l'estat où il s'est reduit sur nos Autels: C'est nostre tres grande obligation de recourir à luy, & d'imiter le soin des premiers Chrestiens qui communioient tres-souuent, parce que tres souuent ils estoient exposezà la mort, ne croyans pas pouuoir souffrir le Martyre, si celuy qui a vaincu la mort par l'essussion de tout son sang, ne la surmontoit encore en leur donnant par luy-mesme les graces de la souffrance courageuse & du mépris de tous les maux de la vie presente; C'est à quoy je vous exhorte de tout mon cœur, Mes tres-cheres Sœurs; Il semble que Iesus-

Christ ne se soit reduit sur nos Autels que pour nous apprendre à souffrir, & qu'il ne veuille estre receu de nous que pour nous donner la patience dans les maux: Il faut faire ce que le Saint Euesque de Genêve dit des mouches à miel: Ces petits animaux s'exposent aux rayons du Soleil quand ils sont malades, & ne les quitent point qu'ils ne se sentent gueris: Voila ce que font les sages Epouses de Jesus-Christ jour & nuit, elles sont toûjours deuant le Soleil de Justice, & luy exposent les maux qu'on vous

fait souffrir, & enfin ce Soleil éclaire ces tenebres, & les dissipera.

Ce n'est pas que je veuille vous empescher les moyens de vous tirer de la derniere oppression, où l'on me sait connoistre que vostre Communauté est reduite. Vous deuez faire connoistre à Monseigneur l'Archevesque de Paris tout l'estat de vostre Maison, & en verité il faudroit qu'il eust vn cœur de bronze & de fer s'il n'estoit touché des maux qu'il me paroist que vous souffrez; La patience des premiers Chrestiens n'a pas empesché qu'ils n'ayent porté leurs plaintes aux oreilles des Empereurs, & qu'ils n'ayent fait des Apologies pour se justifier deuant tout le monde des calomnies dont on les déchiroient: Vous deuez en conscience conseruer vostre Maison, afin qu'elle soit vn azile & vn port de salut à tant de Filles qui perissent dans le monde faute de retraite contre les embûches des Demons. Je suis si éloigné de croire qu'il faille conuertir le Monastere des Filles de la Magdelaine en vne Maison de la Visitation; que si j'auois le pouuoir, je changerois vne partie des Maisons de la Visitation en des Monasteres des Filles de la Magdelaine; & je suis persuadé que j'agirois en cela dans l'Esprit du Saint Euêque de Genêve, Instituteur de la Visitation. J'ay ouy prêcher souuent à seu Monsseur l'Evêque du Belley, qui sçauoit mieux que les Religieuses de la Visitation, l'esprit & les maximes de leur Saint Fondateur, qu'il y auoit trop de Monasteres & trop peu d'Hospitaux, & qu'il falloit conuertir vne bonne partie des Maisons Religieuses en des Maisons de Retraite ou d'Azile pour les Filles qui estoient dans les pieges des Demons. Cela est bien veritable, l'on empescheroit par ce moyen des millions de pechez, & l'on fermeroit vne grande porte de l'Enfer, par laquelle tant d'ames se precipitent malheureusement, parce qu'il n'y a point de lieu où elles soient en seureté, contre la corruption du siecle.

Il ne faut pas, Mes tres-cheres Sœurs, que les Dames de la Visitation se glorifient de la multiplication de leurs Monasteres, cela peut estre la marque de leur ambition; c'est le malheur des ames superbes, qu'elles ne connoissent pas les pechez spilituels, cependant qu'elles insultent à des ames qui seront tombées dans quelques pechez du corps, dont neantmoins la Grace de Jesus-Christ les aura retirées; elles ne considerent pas ces paroles de l'Euangile, les Publicains & les abandonnez vous precederont dans le Royaume de Dieu, & elles ne tremblent point à la parabole de Jesus-Christ, qui chasse du Ciel les Vierges folles, pour auoir negligé de conseruer dans leurs lampes la prouisson necessaire de l'huile, afin d'estre toûjours auec vne lumiere viue dans l'attente de l'Epoux, c'est à dire, selon l'explication de Saint Jean Chrisostome, qui n'auront point eu de misericorde, l'huile nous representant toûjours la douceur, la misericorde, & le secours du prochain.

le vous auouë franchement que je ne connois plus rien à la spiritualité de la pluspart des Religieuses; elles ne songent qu'à s'agrandir par tout, à s'establir par tout, & à se rendre toujours autant riches qu'elles peuvent, & tout cela contre l'esprit de l'Euangile, & contre les maximes des Saints Peres, & les Decisions des Conciles: Vous diriez qu'il est permis de renuerser l'Euangile, quand il y va de l'Establissement d'vne Communauté: Mais ce qui est de diabolique, c'est que quand ces spirituels de la nouvelle spiritualité ont fait vne faute, soit en s'emparant du bien d'vne Communauté foible & opprimée, soit en s'engageant dans quelque assaire contre la volonté de Dieu, l'orgüeil est si grand, qu'on ne veut jamais en

auoir le démenty, & l'on portera plustost les affaires aux dernieres violences, que

d'auotier sa faute, & d'en faire la reparation necessaire.

C'estoit pour le temps des Apostres de secouer la poudre de ses vestemens & de ses pieds contre les Villes, les maisons, & personnes qui ne les vouloient pas recevoir. Presentement il saut s'établir sur la teste de ceux qui ne peuuent nous souffrir, c'estoit pour les temps des Apostres de conduire & d'atirer les ames au seruice de Iesus-Christ, par les atraits d'une charité & d'une douceur excessiue; maintenant pour se faire obeïr à droit ou à gauche, l'on se sert des prisons & des satellites impitoyables, qui n'ont aucun respect pour des Filles consacrées à Dieu depuis trente ans; c'estoit pour le temps des Apostres & des saints Peres de ceder à la tempeste, de quitter la place à d'autres, quand la presence causoit du tumulte, quoy que malicieus semais à present d'est-on perdre corps & ames, & n'est-on aucun droict pour se maintenir? il n'importe, l'honneur d'une Communauté nombreuse en belles maisons, n'aura point ce des-honneur dans le monde, d'auoir quitté la conduite d'une Maison où elle faisot tant de maux, ou au moins donnoit occasion à tant de maux.

Je n'aurois jamais fait, Mes cheres Sœurs, si je voulois faire l'anti-these de la spiritualité des Apostres & des saints Peres, auec la spiritualité de plusieurs deuots, & fausses deuotes de nos jours; je crains fort pour cette nouuelle spiritualité, que ces paroles de l'Ecriture sainte ne soient veritables, il y a vn chemin qui paroist seur & tout droit à celuy qui marche dans ce chemin, mais qui conduit neasitmoins à la

En verité je prefere vostre estat de soussirance, il est bien plus asseuré pour vostre salut, selon cette maxime de saint Augustin, que la tristesse de celuy qui soussire injustice est à preferer à la joye de celuy qui commet injustice, & qui fait soussiri; Soussirez donc, Mes tres cheres Sœurs, dans l'esprit du Fils de Dieu, c'est à dire auec humilité & dans le silence; ne faites vos plaintes qu'à ceux qui vous peuuent consoler ou seruir, & ne desendez vostre Maison que dans le desir de conseruer vn lieu de retraite à des ames que Dieu regarde, comme il sit vostre sainte Patrone, comme des exemplaires de penitence, & des Amantes de sa Croix: Magdelaine, disent les saints Peres, ne quita jamais le Sepulcre de Jesus-Christ, les Apostres l'ayant abandonné, elle demeura aux pieds de son Diuin Amant auec la sainte Vierge; les bourreaux ne luy sirent aucune peur, les imprecations & les outrages des peince des Pressers, que l'Euangile raporte bien au long, ne servirent qu'à augmenter le seu de son amour pour Iesus-Christ, vous voyez toûjours Magdelaine aux pieds de la Croix, ou auprés du Sepulcre du Fils de Dieu, pendant que les Disciples l'auoient abandonné.

En voilà bien assez, Mes tres-cheres Sœurs, pour vous encourager dans les sous frances, jusques à ce que la Main souveraine les fasse cesser: Ces veritez de l'Euangile, estans bien meditées, vous doivent merueilleusement consoler, & doivent humilier ceux & celles qui vous opriment; ne rougissez point de la Croix de Jesus-Christ, & il vous donnera la paix; ne vous éloignez point de luy, & il vous sous soustiendra, soyez luy sidelles, & il vous tirera de l'estat où vous estes, dans lequel je vous puis asseurer, que je prens vne tres-grande part, ayant vne compassion extrême pour les personnes qui soussirent l'iniquité, pouvant signer cette Lettre par ces paroles du bien-aimé Disciple de Jesus: Moy Jean, participant à vos tribulations, &

vostre Frere en Iesus-Christ.